



Inatsisartunut ilaasortamut
Anna Wangenheim
Demokraatit

01-11-2022
Suliap normua 2022 - 20109
All. 21419516

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Meeqqanut tapersersuisarneq pillugu § 37 naapertorlugu apeqqutip nr. 188-2022-p akineqarnera

Asasara Anna Wangenheim.

Apeqqutinut qujanaq. Apeqqutit tullinnguuttuni uteqqinneqarput, akissutinik tullegarlutik.

1. Naalakkersuisut immikkut perorsaanikkut ornittakkanik nuna tamakkerlugu naatsumik qassiunersut Meeqqat tapersersorneqarnissaannut Inatsisartut inatsisaanni nr. 20, 26. juuni 2017-imeersumi kingorna allannguuteqartinneqartumi § 3, imm. 1 naapertorlugu nassuiarsinnaavai?

Akissut:

Meeqqat tapersersorneqarnissaannut Inatsisartut inatsisaanni nr. 20, 26. juni 2017-imeersumi § 25, imm. 5 naapertorlugu makku atuutsinneqarput:

"Imm. 5. Ikorsiinissamik suliniutinik immikkut ittunik imm. 4-milu taaneqartunit allaanerusunik, soorlu misileraalluni aqqissuussinernik aamma meeqqanut inuusuttunullu suliniuteqareernerup kingorna malitseqartinneqartunut immikkut ittunik perorsaanernik pilersitsisinnaanermik kommunalbestyrelsi qinnuteqarnerata kingorna Naalakkersuisut akuersisinnaapput."

Ornittakkat tamakku amerlassusaat pillugit paasissutissanik kommunineersunik Naalakkersuisut peqanngillat. Al 2022, konto pingaarneq 30.14.29, Isumaginninnermi siunertanik suliniuteqarneq, naapertorlugu ornittakkanut tamakkununga tapiissutinik kommunit qinnuteqarsinnaatitaapput. Kommunit 2022-mi katillugit qinnuteqaatinik tallimanik nassiuussissammata paasissutissiissutigineqassaaq. Katillugit tallimat tapiissutinik aningaasaliiffigineqarsimapput, imatullu agguataarneqarput:

- Kommuneqarfik Sermersuumeersumiit qinnuteqaatit marluk
- Kommune Kujallermiit qinnuteqaat ataaseq
- Kommune Qeqertalimmiit qinnuteqaat ataaseq
- Avannaata Kommunianiit qinnuteqaat ataaseq

2. Meeqqat tapersersorneqarnissaannut Inatsisartut inatsisaat nr. 20, 26. juni 2017-imeersoq naapertorlugu kommunalbestyrelsiiniit saaffiginnittoqareerneratigut Naalakkersuisut iliuusissanik assigiinngitsunik suliaqarsinnaapput. Ukiut kingulliit tallimat Naalakkersuisut isumaginninnikkut perorsaanernut tapersersuinikkut ikorsiissutit nutaat typellu allat qassit suliarinikuaat?



Akissut:

Naalakkersuisut tamakkununga kisitsisitigut paasissutissaateqanngillat.

Isumaginninnermi perorsaanikkut tapiissuteqarsinnaanermut iliuusissat meeqqat tapersersorneqarnissaannut inatsimmi § 25, imm. 4, oqaaseqatigiit tallimaanni kiisalu imm. 5-imi taaneqarsimapput. § 25, imm. 4, oqaaseqatigiit tallimaannut tunngatillugu kisitsisitigut paasissutissanik kommunineersunik Naalakkersuisut peqanngillat.

§ 25, imm. 5-imut tunngatillugu apeqqut 1-imut akissutigineqartoq innersuussutigineqassaaq.

a) Illut sorliit pineqarpat?

Akissut:

Apeqqut 2-mut akissut innersuussutigineqarpoq.

Isumaginninnermi perorsaanikkut tapiissuteqarsinnaanermut suliniutissat meeqqat tapersersorneqarnissaannut inatsimmi taaneqartut saniatigut atugarliornerit pinaveersaartinnissaannut iliuusissat amerlasuut taaneqarsinnaapput: angajoqqaanngortussanik piareersaaneq (MANU), MANU+, Siusissukkut suliniuteqarneq, Meeqqat 0-18 kiisalu ulluunerani neqeroorutini sulisut qaffassaaffiginissaat. Suliniutissat pinaveersaartitsiffiusussat amerlasuut tamakku pillugit kommunit Isumaginninnermullu Aqutsisoqarfiup akornanni qanimut oqaloqatigiittoqarpoq.

b) Sumingganneerpisi?

Akissut:

Apeqqut 2-mut akissut innersuussutigineqarpoq.

Tamatuma saniatigut MANU aallaavimmigut nuna tamakkerlugu pilersinneqarsimammat, kisiannili sumiiffimmiit sumiiffimmut assigiinngitsumik ingerlataammat, paasissutissiissutigineqassaaq. Taamaattoq MANU sumiiffinni tamani tamakkiisumik ingerlanngilaq, soorlu nunaqarfinni.

Siusissukkut Suliniuteqarneq nuna tamakkerlugu kommunini tamani siusissukkut suliniuteqartunik suleqateqarpoq. Siusissukkut Suliniuteqarneq siusissukkut suliniuteqartunut siunnersuisarfittut atuuppoq.

Meeqqat 0-18 meeqqat akornanni atugarliornerit siusissukkut paasisarnissaannut tunngatillugu IT-mut atortoq atorlugu Avannaata Kommunia suleqatigalugu misiligutigalugu suliniummik pilersitsisimavoq.

Ulluunerani neqeroorutini sulisut qaffassarneqarnerat kommunini sisamani ingerlanneqarsimavoq. Kommuneqarfik Sermersooq kommunitut tulliuulluni kingulliullunilu illoqarfinni nunaqarfinnilu ulluunerani neqeroorutini qaffaasiiffigineqarsimavoq.

c) Ukua sulianut sunut tunngasunik imaqarpat?

Akissut:

MANU-mi angajoqqaanut pikkorissartitsinnermi meeqqat- angajoqqaat attuumassuteqarnerat attaveqarnerallu pitsaanerulernissaat ikiuiffigineqarpoq. Angajoqqaat meeqqaminnik inissaqartitsinissaat, meeqqallu pisariaqartitaanik, nammineerlutik meeraatillutik misigisartakkatik allatut iliuuseqarfiginiarlugit, allatut isiginninniartarnissaat sulissutigineqarpoq. MANU+-imut najoqqutassaq suliaralugu aallartinneqarsimavoq, tassanilu angajoqqaat immikkut ulorianartorsortut tapersersortarnissaat anguniarneqarpoq, soorlu angerlarsimaffimmi inunnik ilisimasalinnik tapersersorneqarneq oqaloqateqarnerlu.

Siusissukkut Suliniummut suleqatigiissitat kommunini suliniuteqartunik tapersersuippat. Kommunini Siusissukkut Suliniuteqartartut ilaqutariinnut immikkut sanngiittunut suliaasaqarfiit assigiinngitsut aqutugalugit ataatsimiinnernik ingerlataqarput, tassanilu ilaqutariinnut tamanik isiginnilluni suliniutissat aallartinnissaat siunertarinqarpoq.



Meeqqat 0-18-imi suliniutissat pioreersut tapersersuiffiginissaat siunertaavoq, tassanilu atugarliornerup sapinngisamik siusissukkut paasisarnissaat siunertaralugu meeqqat tamakkerlutik ukiumut marloriarluni aaqqissuussamik atugarissaarnerup tungaatigut nalilersortarnissaat qulakkeerniarneqarpoq. Meeqqanut suli atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq naapertorlugu Avannaata Kommuniani massakkorpiaq misiligutigalugu suliniutip misilittaaffiginissaa immikkut suliarineqarpoq, tassanilu tamakkiisumik nalilersuisarnissat ikaarsaarnermilu nassuiaatit inatsisitigut pisussaaffiusut digitaliuupput.

Tamatuma saniatigut nunatsinni kommunini tamani ulluunerani neqeroorutini sulisut qaffassartarnissaat qitiutinneqarpoq. Ulluunerani neqeroorutini sulisut angajoqqaat annerusumik suleqatigiittarnissaasa, ulluunerani neqeroorutini pisortat suliatigut aqutsinerisa, meeqqanut mappip kiisalu meeqqanut ilinniarnissamut avatangiiserisat qaffassaaffigisarnissaat siunertaavoq, tamakku ulluinnarni tamakkiisumik atorneqalissapput. Suliniutissat tamakku ataatsimut isigalugit meeqqani atugarliortoqarsimappat siusissukkut paasineqartassapput.

Ilanngullugulu meeqqanut atugarliortunut, tassanngaannarli soorlu toqukkut qimaguttoqarneratigut, ajunaartoqarneratigut imaluunniit ilaqutariinni avittoqarneratigut, meeqqanut atugarliulersimasunut tunngatillugu suliniutissat pinaveersaartitsiffiusut sulissutigineqarput. Taamatut pisoqarsimatillugu ulluunerani neqeroorutini sulisut sakkussanik tunineqartarput, tassanilu perorsaanikkut suliniutissat suliarineqartarput, taamaaliornikkut meeqqanut sanngiittunut atugarliornerit allat pinaveersaartinniarneqassammata.

d) Ukua type nutaat isumaginninnikkut perorsaanernut tapersersuinikkut ikiorsiissutit Naalakkersuisut meeqqat timimikkut tarnimikkullu innarluuteqarnerannut tunngavilersorsinnaavaat?

Akissut:

Apeqqut 2-mut akissut innersuussutigineqarpoq.

e) Neqeroorutininik aaqqissuussinerit piffissap ilaannaanut imaluunniit qaqugorsuarmut atuuttut eqqartorneqarpat?

Akissut:

Misiligutitut aaqqissuussinerit ingerlagallartussaapput, tamakkulu ingerlaannarsinnaanersut imaluunniit unitsinneqassanersut pillugit aalajangiisoqarnissaa tikillugu ingerlaannassapput.

Angajoqqaat piareersarnerat MANU, MANU+, Siusissukkut Suliniuteqarneq, Meeqqat 0-18 kiisalu ulluunerani neqeroorutini sulisut qaffassartarnissaat pillugit suliniutissat aallaavimmikkut aaqqissuussinerussapput ataavartut.

f) Naalakkersuisut siunissamut isumaginninnermi perorsaanikkut neqeroorutinit immikkut ittunut nutaanillu pisariaqartitsineq qanoq pilersaarutigivaat?

Akissut:

Suli atualinngitsunut suliassaqaarfimmut tunngatillugu Naalakkersuisut periusissamik iliuusissatullu pilersaarummik piareersaapput, taakkullu suliniutissanik nutaanik imaqaassapput. 2023-p ingerlanerani tunniunnissaa pilersaarutaavoq.

3. Ukiut kingulliit tallimat angajoqqaanngortussat erninnginnermi ikiorsiinissamut neqeroorutininik qassit neqeroorfingineqarnikuuppat? ?



Akissut:

Kommunit tamanna pillugu kisitsisitigut paasissutissanik Isumaginninnermut Aqutsisoqarfimmut nassiussineq ajorput.

a) Ikorsiinissamut neqeroorut sorleq atugaanera?

Akissut:

Kommunit tamanna pillugu kisitsisitigut paasissutissanik Isumaginninnermut Aqutsisoqarfimmut nassiussineq ajorput.

i. Neqeroorut taanna qanoq annertutiginerullunilu sivisutigaa?

Akissut:

Assersuutugalugu MANU-mi atortut naartunermiit meeqqap 6-inik ukioqalernissaa tikillugu sammitinneqartussaammata taaneqarsinnaavoq. Sullitassanut assigiinngitsunut atortut atorneqarsinnaasut amerlapput, taamaasilluni neqeroorutitut piffissaliinissaq tunniunneqarsinnaanngilaq.

b) Suliniutitut pilersaarummi periutsit sorliit atorneqarpat?

i. Ilaqtariit pineqartut oqaasii kulturalllu eqqarsaatigalugu periutsit atorneqartarpat?

Akissut:

MANU-mi atortut kalaallisuunngortillugit innuttaasunut ilitsersuisartunullu neqeroorutaasarput. Atortut kalaallisut paasineqarnissaat qitiutillugu suliarineqarsimapput. Periutsitigut train-the-trainer-imik taaneqartoq atorneqartarpoq, taamaasilluni MANU-mi ilitsersuisartut nunap immikkoortuini najukkaminni ilinniartitsisinnaassammata.

4. Ukiut kingulliit tallimat ernereertut ikorsiissutitut neqeroorutitut qassit attuumassuteqarpat?

Akissut:

Kommunit tamanna pillugu kisitsisitigut paasissutissanik Isumaginninnermut Aqutsisoqarfimmut nassiussineq ajorput.

5. Ikorfartuisut- aamma inuit attaveqarfigisartakkat ilinniagaqarnermikkut sulianut piginnaasat suut pigivaat?

Akissut:

Kommunit tamanna pillugu kisitsisitigut paasissutissanik Isumaginninnermut Aqutsisoqarfimmut nassiussineq ajorput.

Isumaginninnermut Aqutsisoqarfimmi sulisut nunap immikkoortuini ineriartortitsisartut tapersersuisartullu peqqinnissap perorsaanerullu tungaasigut piginnaasaqarput, soorlu peqqissaasutut, psykomotorisk terapeutitut kiisalu aqutsinerup iluani ilinniarsimasarlutik.

a) Naalakkersuisut tapersersortit- attaveqarfigisartakkanullu piumasaqaataasunik erseqqissaanissaminut pilersaaruteqarpat?

Akissut:

Naamik. Kommunini sulisussanik atorfinitsitsisarneq kommunit suliassaraat.

b) Tapersersortit- aamma attaveqarfigisartakkat piginnaanngorsaataasumik, ilinniagaqarnermik pikkorissarnissaminut ilinniaqqinnissanillu suut periarfissaqarfigivaat?

Akissut:



Isumaginninnermut Aqutsisoqarfik pikkorissartitsisarnernik ilinniaqqittarnernillu arlalippassuarnik neqeroortarpoq, soorlu Saqqummeeriaaseq, Suliniutinut aqutsisuunerit, Piviusunngortitsinerit atortuulersitsinerillu, Saqitsaannerit Sularisaanerit aamma Attaveqaqatigiinneq. socialstyrelsen.gl innersuussutigineqarpoq, tassanilu 2022-p sinnerani ulluliinerit pikkorissartitsinissanut neqeroorutitalit pilersinneqarsimapput. Ulluliinerit tamakku ingerlaavartumik nutarteriffigineqartarput.

Inussiarnersumik inuulluaqqusillunga

Mimi Karlsen